

新纂云南通志

第六函
第十冊

新纂雲南通志卷七十九目錄

藝文考九

紀載滇事之書一

新纂雲南通志卷七十九

藝文考九

紀載滇事之書一

南中行記一卷

漢陸賈撰

崇文總目

賈楚人以客從高祖定天下高祖使賈賜尉陀印爲

南越王賈因說陀令稱臣奉漢約歸報帝帝大說拜賈大中大夫

賈凡著十二篇稱其書曰新語

漢書本傳

道光通志按漢志賈所記楚漢春秋九篇陸賈二十二篇俱無

南中行記之名故晉隋唐諸志悉不著錄晉嵇含南方草木狀

耶悉茗條引爲陸賈南越行紀是編僅見歐陽修崇文總目舊

志沿滇略存其目爲滇中掌故今仍之

哀牢傳

晉楊終子山爲郡上計吏進哀牢傳孝明奇之召在蘭臺見論衡

舊志

終字子山成都人顯宗時徵詣蘭臺拜校書郎建初間與於白

虎觀焉後受詔刪太史公書爲十餘萬言著春秋外傳十二篇改

定章句十五萬言永元十二年徵拜郎中以病卒

後漢書本傳

道光通志按晉爲漢之譌後漢書西南夷傳哀牢夷注引哀牢

傳不言終撰

益部耆舊傳

蜀漢陳術撰漢中陳術字申伯博學多聞著釋問七篇益部耆舊

傳及志歷三郡太守

三國蜀志李譔傳

益部耆舊傳十四卷

晉陳壽撰隋書經籍志

陳壽字承祚巴西安漢人仕蜀爲觀閣令史蜀平

舉孝廉除佐著作郎出補陽平令撰蜀相諸葛集奏之除著作郎

本郡中正撰魏吳蜀三國志凡六十五篇又撰古國志五十篇益

部耆舊傳十篇餘文章傳於世晉書本傳

益州耆舊雜傳記二卷

晉陳壽撰新唐書藝文志

道光通志按隋書經籍志作續益部耆舊傳二卷然考裴松之

三國志注並引作益州耆舊雜傳記自以唐書爲是

南方草木狀三卷

晉嵇含撰含事蹟附載晉書嵇紹傳考隋志舊唐志俱有含集十

卷隋志云其集已亡但附載郭象集下舊唐志仍著錄而不載此書至宋志始著錄觀此書載指甲花自

大秦國移植南海是晉時已有是花而唐段公路北戶錄乃云指甲花本出外國梁大同二年始來中國知公路未見此書蓋唐時尙不甚顯故史志不載也諸本但題譙國嵇含惟宋麻沙舊版前題曰永興元年十一月丙子振威將軍襄陽太守嵇含撰云云載其年月仕履頗爲詳具蓋舊本如是明人始刊削之然晉惠帝本紀永寧二年正月改元永安七月改建武十一月復爲永安十二月丁亥立豫章王熾爲太弟始改永興是永興元年不得有十一月又永興二年正月甲午朔以干支推之丙子當在十二月中旬尙在改元前十二日其時亦未稱永興或其時改元之後併十二月一月皆追稱永興而輾轉傳刻又誤十二月爲十一月歟惟隋志稱廣州太守嵇含而此作襄陽太守考書中所載皆嶺表之物

則疑襄陽或誤題也其書凡分草木果竹四類共八十種敘述典雅非唐以後人所能譌託不得以始見宋志疑之其本亦最完整蓋宋以後花譜地志援引者多其字句可以互校故獨鈔譌闕云

四庫全書史部
地理類提要

道光通志按編中皆紀南越交趾植物滇略舊志俱列於掌故今仍之二書並作南中草木狀一卷誤

華陽國志十二卷

晉常璩撰璩字道將江原人李勢時官至散騎常侍晉書載勸勢降桓溫者即璩蓋亦譙周之流也隋書經籍志霸史類中載璩撰漢之書十卷華陽國志十二卷漢之書唐志尙著錄今已久佚惟華陽國志存卷數與隋志舊唐志相合新唐書作十三卷疑傳寫

誤也其書所述始於開闢終於永明三年首爲巴志次漢中志次蜀志次南中志次公孫劉二牧志次劉先主志次劉後主志次大同志大同者紀漢晉平蜀之後事也次李特雄期壽勢志次先賢士女總讚論次後賢志次序志次三州士女目錄宋元豐中呂大防嘗刻於成都大防自爲之序又有嘉泰甲子李季序稱呂刻刊闕觀者莫曉所謂嘗博訪善本以證其誤而莫之或得因撫兩漢史陳壽蜀書益部耆舊傳互相參訂以決所疑凡一事而前後失序本末舛迕者則考正之一意而詞旨重複句讀錯雜者則刊而去之又第九卷末有至附記稱李勢志傳寫脫漏續成以補其闕則是書又於殘闕之餘李至爲之補綴竄易非盡據之舊矣至刻本世亦不傳今所傳者惟影寫本又有何鏜漢魏叢書吳琯古今

逸史及明何宇度所刊三本吳何二家之本多張佳允所補江原
常氏士女志一卷而佚去蜀中士女以下至犍爲士女二卷蓋至
本第十卷分上中下鏗等僅刻其下卷也又惟後賢志中二十人
有讚其餘竝闕至本則蜀郡廣漢犍爲漢中梓潼士女一百九十
四人各有讚字度本亦同蓋明人刻書好以意爲刊創新本既行
舊本漸泯原書遂不可覲字度之本從至本錄出此二卷偶存亦
天幸也惟至本以序志置於末而字度本升於簡端考至序稱首
述巴中南中之風土次列公孫述劉二牧蜀二主之興廢及晉太
康之混一以迄於特雄壽勢之僭竊以西漢以來先後賢人梁益
寧三州士女總讚序志終焉則序志本在後字度不知古例始誤
移之又總讚相續成文至序亦與序志竝稱宜別爲一篇而至本

亦割冠各傳之首殊不可解殆如毛公之移詩序李鼎祚之分序
卦傳乎今姑從至本錄之而附著其改竄之非如左

四庫全書史部
載記類提要

道光通志按華陽國志中惟南中志紀雲南事餘俱屬四川然
專載南中志一卷人又或疑常璩無此書今錄全書而著其說
於此是書南中志已收入王崧雲南備徵志

益州記

任豫撰

陶宗儀說
郭六十一

道光通志按任豫益州記劉昭後漢書郡國志注已引及劉昭
係蕭梁時人則任豫在梁以前可知其字謚爵里今無考矣

梁益州譜四十卷亡

隋書經
籍志

益州譜三十卷

隋書經
籍志

道光通志按二書載隋書經籍志氏族篇蓋益州氏族譜也

益州記三卷

隋李克撰

唐書藝文志地理類

道光通志按滇略作唐李克雲南風俗記一卷舊志作唐李克益州記又引宋崇文總目地理八十三部始於山海經終於雲南風俗記而不著撰人名氏 又按隋書經籍志作李氏撰而無名當即此書則滇略舊志以李克爲唐人者誤鄭樵通志作隋李克或近之

開復西南夷事狀十七卷

唐韋臯撰

唐書藝文志兵家類

臯字城武京兆萬年人貞元九年詔臯統押近界

諸蠻西山八國雲南安撫使俄進同中書門下平章事十三年復

嵩州

唐書本傳

貞元十四年臯進呈是書敍開復南詔之由

雍正志

道光通志按宋史藝文志地理類作韋臯西南夷事狀二十卷
滇畧作韋臯西南夷事狀十卷舊志作韋臯開西南夷事狀十
卷今從唐志

雲南風俗錄十卷

唐達奚洪

按一作通撰

宋史藝文志地理類

道光通志按唐書藝文志地理類有達奚通海南諸蕃行記一
卷無雲南風俗錄

雲南行記

按滇略亦作記舊志作紀

五卷

按焦竑經籍志作一卷

唐袁滋撰

唐書藝文志地理類

滋字德深蔡州朗山人建中初授試校書郎遷工

部員外郎韋臯始招來西南夷南詔異牟尋內屬德宗選郎吏可

撫循者皆憚行至滋不辭帝嘉之擢祠部郎中兼御史中丞賜金
紫持節往踰年還使稱旨進諫議大夫遷尙書右丞知吏部憲宗
監國累封淮陽郡公唐書本傳貞元十年袁滋使南詔元和十三年上之
雍正志

雲南行記按滇略舊志俱作紀二卷

唐韋齊休撰

宋史藝文志地理類

唐長慶三年齊休從韋審規使雲南記其往來

道里及其見聞序謂雲南所以爲唐患者以開道越巂耳若自黎
州之南清溪關外盡斥棄之疆場可以無虞不然憂未艾也及唐
之亡禍果由此本朝棄巂州不守而遂無邊患以此論之則齊休
之言可不謂善哉晁公武讀書志

道光通志按蠻書雲南界內程途第一雲南蠻界條繩橋下注

引雲南行記又六賧第五下注引韋齊休雲南行記 又按韋

齊休宋史藝文志一作濟林晁公武讀書志作齊休

西南備邊錄十三

按演略作十二卷

唐李德裕撰

唐書藝文志兵家類

德裕字文饒元和宰相吉甫子也太和三年詔

拜兵部侍郎踰年徙劍南西川

唐書本傳

闕名序稱唐太和四年十月戊

申制詔兵部侍郎臣德裕節度劍南西川維蜀西控戎索南接蠻

服未陰綢戶莫急二邊於是先事候情併謀合智料敵勢扼地險

計軍實而備邊錄作焉即十三卷之簡見萬里外之情所以制勝

無形銷患未萌也書成於太和六祀迨會昌中秉國之鈞始奏上

之按唐藝文志是錄列在兵書今館閣書目存者一卷餘軼不存

按宋史藝文志作西南備邊錄一卷

我思古人愛莫起之撫陳編而三嘆謹序

圖書集成

西南備邊

錄唐李德裕撰今特存其第一卷而崇文總目亦止載一卷豈嘉

祐以前已亡佚乎德裕之深謀遠慮雖至今可用也而所存止此

可惜哉

宋李燾續資治通鑑長編

李德裕太和中鎮蜀所作中州縣城鎮兵食之數

大略具焉

陳振孫書錄解題

大略謂成都藩翰西南備禦不可少弛於是纂兵

將糧械之數城鎮種落之名歲計經用之目竝以太和六年爲斷

及諸郡故實外夷情狀煩碎畢書

雍正志

蠻書十卷

唐樊綽撰綽咸通嶺南西道節度使蔡襲從事

唐書藝文志地理類

新唐書藝文

志著於錄宋史藝文志則有綽所撰雲南志十卷而不稱蠻書永

樂大典又題作雲南史記名目錯異今考司馬光通鑑考異程大

昌禹貢圖蔡沈書集傳所引蠻書之文竝與是編相同則新唐書

志爲可信惟志稱綽爲嶺南西道節度使蔡襲從事而通鑑載襲實官汝南經略使與綽所紀較合則新書失考也綽成此書在懿宗咸通初書中多自稱臣又稱錄六詔始末纂成十卷於安南郡州江口附張守忠進獻蓋當時嘗以奏御者交州境接南詔綽爲幕僚親見蠻事故於六詔種族風俗山川道里及前後措置始末撰次極詳實輿志中最古之本宋祁作新史南蠻傳司馬光通鑑載南詔事多採用之程大昌等復引所述蘭滄江以證華陽黑水之說蓋宋時甚重其書而自明以來流傳遂絕雖博雅如楊慎亦稱綽所撰爲有錄無書則其亡佚固已久矣今此本因錄入永樂大典僅存文字已多斷爛不盡可讀又世無別本可校考洪武中程本立作雲南西行記稱麗江通守張翥出示樊綽雲南志字多

謬誤則當時已然謹以諸書參考旁證正其譌脫而姑闕不可通者各加按語於下方釐爲十卷仍依新唐書志題曰蠻書從其朔也

四庫全書史部載記類提要

是書已收入雲南備徵志

南蠻記十卷

唐樊綽撰

宋史藝文志地理類

道光通志按南蠻記宋史藝文志與雲南志列爲二書自不得混而爲一特唐志偶未著錄耳或因雲南志爲蠻書之誤遂并南蠻記而削之則非

雲南別錄一卷雲南行記一卷

唐竇滂撰

唐書藝文志地理類

演略同別錄敘南蠻族類及風土

雍正志

道光通志按滂咸通中代李師望爲定邊節度使事蹟附載南